

„PITAJMO DJECU – ZA SRETNO DJETINJSTVO!“: 20. novembra na Međunarodni dan djeteta učenici zamijenili školske klupe radnim mjestom

Međunarodni dan djeteta koji se obilježava 20. novembra učenici JU OŠ „Hasan Kikić“ Sarajevo obilježili su aktivnostima u okviru projekta „PITAJMO DJECU – ZA SRETNO DJETINJSTVO!“.



Već drugu godinu za redom, na Svjetski dan djeteta, djeca i mladi sa svih kontinenata udružuju se kako bi skrenuli pažnju na svoja prava. Djeca preuzimaju društvene mreže, biznise, medije.

Sa željom da damo podršku ovoj kampanji i čujemo šta djeca imaju da nam poruče učenici naše škole su na jedan dan svoje školske klupe zamijenili radnim mjestima u školi i radni dan proveli kao učitelji, nastavnici, direktor, pedagog, sekretar, računovođa, bibliotekar, domar i socijalni radnik.



Cilj projekta je ukazivanje na vrijednosti praktičnog učenja i stvaranje partnerskog odnosa učenika i škole.



Želimo pitati i čuti djecu koje su njihove ideje, sugestije za unapređivanje obrazovnih politika, stvaranje sigurnog školskog okruženja i sretno djetinjstvo.

Samim tim motivirat ćemo učenike da svojim prijedlozima doprinesu poboljšanju odgojno – obrazovnog procesa i da aktivno učestvuju u stvaranju pozitivnih obrazovnih praksi.



Želimo PITATI DJECU kako bismo dobili odgovore koji će biti smjernice u našim odgojno - obrazovnim nastojanjima, podržati aktivnije uključivanje djece i jednak pristup obrazovanju za svako dijete.

#GoBlue #WorldChildrensDay2018